

Arrpa' anareť allohuen allpon derechos ñeñť e'ñe po'ñoĉh yocop ñeñťcha' atef' yeĵa'yena allohueney acheñeneshay ama't erraĵaren arr patsro

Ahuat'añ fecha 10 de diciembre 1948 ñeñť Asamblea General de las Naciones Unidas, ñetpa' quellquēt ora allpon derechos ñeñť e'ñe po'ñoĉh yocop allohuenacpay acheñeneshay ama't erraĵaren arr patsro. Alloĉhñapa' orrtachet añ ñoñets ñeñť atef' anareť derechos; ñeñťpa' ñeñťara orrtetsa arr añ paĵllo. Allempo o' orrtachet añ papell ñapa' otyesan ora allohuen anetsoĉhno ñeñť orrtatene Naciones Unidas, ĩorretepa' atťoch epa'hua añ ñoñets erraĵaren arr patsro. Orrtachetepa' erracmañen allcha' lleya'yeset ora allpon pa'namen acheñenesha' arr patsro. Naĵa yeĉatayesetepa' añ derechos ora allpon escuelaĉhno ñaĵa ora allohuen anetsoĉhno ama't errotteneta po'gobiornoret.

Ñeñť ñanom

Yapa' yeñoteñ ñerra'm yemneñ o'ch yeyĉhena e'ñe cohuen añe patsro, ama yemneñe o'ch eñalleta ñeñťcha' yepatare'tene' ñeñť yocťen ya; ñaĵia ñeñť cha' ya'ĵcha'noĉhtana'tenaya ama yemneñe o'ch orrta.

Ñerra'm yemneñ o'ch e'ñe pocte' es yeĵanna'ta ñaĵa ñerra'm yemneñ o'ch e'ñe cohuen mueche'ť yeyĉhena añe patsro, añ poctetsa o'ch yeñotua. Atťo ye'ñalletyesa arr patsro e'ñe atťecma cohuen yesherb'a'yen allohueney ñeñťey yeĉa'yetsa añe patsro, amach eñalle ñeñť atsenatpo' entenet.

Naĵa allohuenacpay ñeñťey arromñatey e'ñe atťecma eñall ñeñť otenet derechos ñeñťcha' e'ñe cohuen yocshatene' añe patsro. Ñeñťpa' ama't eseshapa' amach puerrataĵperryeto ama't errponaĵa. Tarraña yeñoteñ ahuatoteñ ñerra'm esempo acheñenesha'pa' ama esoye eñĉete'ťe añ derechos, ñetpa' erroťuanen ĵa'yesete'ť po'potantañ ñeñť tsena'tenet. Neñťpa' yeñoteñ yeyoĉhro ama aĵapahuoyaye. Naĵa yeñoteñ añ atarr cohuen allohuenacpay ñerra'm chap allempo allohueney e'ñe cohueno'tsa'yeney arr patsro. Tarro'mar ñerra'm atef' yocsha'yena arr patsro amach es ya'ĵcha' - noĉhtana'tenaye, amach eñalle ñeñť cha' yemueroĉhtatene'. Ama't allempo es yeños po'poñ ñeñť cohuen yenten ya, amach eñalle ñeñť cha' yote' eso'marte' peñen po'poñ coťaĵñats. Ñerra'm yapa' yame'ñeña po'poñ ñeñť cohuen yenten ya amach eñalle ñeñťcha' yepatare'tene'.

Ñeñť o'mar yeñoteñ e'ñe pocte' o'ch yene' ñoñets atťoch yeñotatanna'tyena ora allpon añ derechos atťoch allohueney e'ñech cohuen yentannena alloĉhñapa' amach eñalle acheñ ñeñť amueroĉhtatareťtetsa. Alloĉhñapa' amach orrtateneto atĵariñats ñeñť atef' amueroĉhtatarettenet.

Naĵa yeñoteñ e'ñe pocte' e'ñech cohuen yamo'tstannena po'poñ acheñenesha' ñeñť yeĉha'yetsa po'poñ anetso'mar arr patsro.

Naĵa yeñoteñ allohuen allpon pa'namen anetso'marnesha' ñeñť orrtatene ñeñť otenet Naciones Unidas, ñetpa' ñeñťa e'ñe cohuen entenet ñet. Neñťo'mar ñet nenet ñoñets all quellco atťo allohueney arromñatey ñeñťey eñalletyetsa arr patsro e'ñech atťecma cohuen yesherb'a'yen ñaĵa allohuenacpay atťecma eñall ñeñť otenet derechos atťoch e'ñe cohuen yocsha'yena arr patsro alloĉhueney ama t coyaneshohuen. Neñť o'mar ñetpa' añ e'nenet o'ch orrtatenet ñeñť cohuen sherbets allohuenacpay acheñeneshay arr patsro. Alloĉhñapa' atťoch allo'na yesen yenpanna'tnomtsa atťoch yocsha'yena e'ñe cohuen arr patsro o'ch yechyen ñeñť yepallta'yena ñaĵa amach eñalle ñeñť aĵcha' noĉhtana 'tenaye, e 'ñech cohueno 'tsa 'yeney.

Naĵa yeñoteñ allohuen pa'namen anetso' marnesha' ñeñť orrtatene' Naciones Unidas ñetpa' net po'ñoñ atťoch ĩorra'yeset atťoch ame'ñachet allohuen acheñenesha' ñeñť erraĵaro'tsa'yenet añ patsro, alloĉhñapa' atťoch e'ñech cohuen entuenet añ derechos ñamet; ñeñťpa' allohuenacpuet e'ñech cohueno'tsa'yenet.

Naĵa yeñoteñ ñerra'm po'ñoĉh e'ñech cohuen yetsotuer e'ñe atef'yene' yeñoñ añ poctetsa o'ch yeñotatanna'ta añ derechos ñeñť allohuenacpay alloĉhñapa' e'ñech cohueno'tsa 'yeney.

Neñťo'mar ĵe'pa'

ASSAMBLEA GENERAL ñeñťara Naciones Unidas arrpa' orrtatenet

ORA ALLPON DERECHOS NENT ALLOHUENACPAY NENTHEY PA'NAMENEY ACHENENESHAY. Alloĉhñapa' atťoch allohuen ĉhocmach yeyerpa'yena allohuen derechos ñeñť aquellcareťtetsa arr. Naĵa ĉhocma yeyĉhach po'potantañ atťoch ñetpa'ĉho'ña e'ñech cohuen aĵcha'na'tpo' entuenet ñamet añ derechos. Alloĉhñapa' atťoch ama't erracmañen arr patsro eñotueretĉha' añ derechos ñaĵa po'ñoĉh ateťcha' cohuen yemorrentanna'tuerra. Neñťpa' atťepa'ch perra arr yepatsño ama't ñaĵa ora erraĵaren po'potantañ anetso'mar arr patsro. Atťepa'ch perra allohuen anetso'marnesha' ñeñť orrtatene' Naciones Unidas ama't ñaĵa po'potantañ ñeñť yenpuenet ñet. Allpon derechos ñeñť yechyen atťoch e'ñech cohuen yeyĉha'yena arr patsro ñeñťpa' añeĉhno:

Cot'aĵñats 1.

Allohueney ñeñťey arromñatey atťo ye'ñalletyesa arr patsro e'ñe atťecma cohuen yesherb'a'yen. Naĵa yechyen allpon derechos atťoch e'ñech cohueno'tsa'yeney arr patsro. Naĵa allohuen atťecma yechyen alloĉ yocťape' ĉhyen cohuen ñaĵa yeñotyen yeyoĉhro ñeñť e'ne pocte' enten acheñenesha' ñaĵa ñeñť ama pocteye' enteneto. Yeñoteñ añ poctetsa e'ñe yemo'nasheñ yeĵannena ama't ora allohuen allpon acheñenesha' ñeñť añe patsro'tsa'yeney.

Cot'aĵñats 2.

Ora allohuen allpon acheñenesha' ñeñť añe patsro'tsa'yen, atťecma eĉhyenet añ derechos atťoch e'ñe cohuen yeĉha'yenet arr patsro. Allohuenet atťecma eĉhyenet añ derechos ama't erra'tsenťe' po'ñreñtsoret penet, ñaĵa ama't erroťena orrtenet, ama't quelluareret ama't ñaĵa ñeñť huallama'ťareret, ama't coyaneshohuenet atťecma eĉhenet añ derechos. Naĵa ama't erra'tsenťe' ñeñť po'yomporer penet ñaĵa ama't erra'tsen coťape'ĉhyenet ñeñť cohuen entyenet po' gobiernocop ama't po'poñ poĉťaĵñar e'ñe atťecma eĉhenet añ derechos ñeñť allohuenacpay ñeñťey arromñatey arr patsro.

Ama't ñeñť huocĉhañetets arr patsro, ñeñť ama es eĉyetso arr patsro ñeñť ama esoye' enteneto, ñetpa'ĉho'ña e'ñe atťecma eĉhenet añ derechos ñeñť allohuenacpay ñeñťey arromñatey. Naĵa atťecma eĉhenet añ derechos ama't erra'tsena anets all yeĉha'yenet ñaĵa ama't erroťen po'gobierno eĉhenet all pa'netsro. Ama't po'gobierno aĵcha'noĉhtana'tanetañ amapa' e'ñe cohueno'tsa 'yenet e'ñe atťecma eĉhenet añ derechos ñeñť allohuenacpay ñeñťey arromñatey arr patsro.

Cot'aĵñats 3.

Allohueney yechen derecho o'ch yocrrena arr patsro amach eñalle ñeñťcha' aĵcha'noĉhtana'tenaya. Elloña eñall ñeñťcha' yemoñenaya.

Cot'aĵñats 4.

Ama't puesheñarraya acheñey amach ataruasatareťeye e'ñe atťa. Amuepa'ch pomueñeto acheñ ñeñťcha' taruasatenet e'ñe atťa, ama't erroťena.

Cot'aĵñats 5.

Ama't puesheñarra amuepa'ch amueroĉhtatareťteno ene atťa, amach atserrĵareťteneto atef' ñerra 'mrrate' berr atserrpenet.

Cot'aĵñats 6.

Ora allpon leyes ñeñť anareťe'tyetsa allohuen acheñenesha'cop ñeñťpa' ñeñťcha' a'poctatyenahuet ama't puesheña'ttset ñerra'm esempo eĉhyenet problema.

Cot'aĵñats 7.

Amach eñalle acheñ ñeñťecop ama sherbeno añ leyes ñeñť atef' anareť. Atťecmach yenpuenana ama't allohuen acheñenesha', amach eñalle acheñ ñeñť ama amorrentareťeyaye. Naĵa añ derechos ñeñť aquellcareť arr, ñeñťpa'ĉho'ña atťecmach allohuenacop ñeñťcha' moñenaya ama 't erra'tsena acheñer ñerra'm esempo eñall ñeñťcha' puerrataĵpsahuetañ añ derechos.

Cot'aĵñats 8.

Naĵa ñerra'm esempo esesha'pa' mueneneñ o'ch puerrataĵpsan acheñenesha' añ derechos ñetpa' e'ñe pocte o'ch e'nenet autoridades ñeñťcha' a'poctaterrahuet ñeñť atef' anareť po'leyes ñaĵa po'constitución.

Cot'aĵñats 9.

Amuepa'ch arrmatareťteno acheñ e'ñe atťa. Amuepa'ch yottañpsenyeneto acheñ e'ñe atťa. Amuepa'ch mueño ' teneto acheñ ĵaĉhayo allcha' mueroĉhtena.

Cot'aĵñats 10.

Naĵa allohuen acheñenesha' ama't esesha' ñerra'm esempo otteñe'ĉhareťtena ñapa' eĉenancha' derecho o'ch a'poctater ñoñets e'ñe cohuen juezesho. Jueza' e'ñech cohuen o'ch eñoch ñerra'm po'ñoĉh atef' o' ĵohua. Amach e'ñe atťa atserrpeñeto. Naĵa ñeñť otteñe'ĉhareťtetsa jueza' o'ch eñotach ñeñť derechos eĉhen ñaĵa ñeñť po'deberes. Amach es a'nahua o'pateñeto ama't puesheñarra acheñ.

Cotāpñats 11.

Ŋāma ama't esesha' ñeñť otteñe'chareťtetsa allo'tsen autoridades, amuepa'ch ahuen otatsteto autoridades añ achein po'ñočh atet'o' pōhua. Añcha' ñanom e'ññochetepa' ñeñťcha' yenpuene' ñeñť otteñe'chareťtetsa. E'ñeč cohuen acořa eñochet po'ñočhie' atet'o' pōhua. Ñeñťpa' atetťcha' penet allo'tsa'yen shonte' achenenesha', amuepa'ch a'nahua o'pateñeto.

Ŋāma añecpuepa'ch coñchachet achein ñeñť atřpare'tene' ñoñets ñeñť atet anaret e'ñe allempo. Ŋāma ñeñť atet anaret ñeñťcha' atet coñchachet achein ñerra'm atřpare'chet añ ñoñets ñeñť atet anaret ñeñťach coñchachet allempo. Amuepa'chña añe'na coñchateñeto achein ñeñť ahuaťoñ atet petsa allempo ama eñalle ley ñeñť otets atetťcha' seřa. Ŋāma añach coñchatenet ñeñť atřpare'tene ley e'ñe atet anaret. Amachña añe'na coñchateneto aton ñeñť ama atťeye' anaretťena allempo atřpare'tena.

Cotāpñats 12.

Ŋāma ñeñť e'ñe yocpa atet ñerra'm yepaquell ñamia yamo'tsesha' ñeñť parro yeyčhena ñāma allohuen ñeñť yechen ñeñťpa' e'ñe yocpa. Po'potantañpa ama pocteyaye o'ch be'ťoset atťoch o'patapretenyet ñeñť e'ñe yo. Ŋāma amach asasareťpahuoyayye, ñāma amach asochatse'ťpahuoyayye. Ŋāma allohuen ñeñť asasareťtetsa e'ñe atťa ñāma ñeñť asochatse'tareťtetsa e'ñe atťa, ñetpa' echenet derecho o'ch moñenanet añ ley ñeñť atet anaret.

Cotāpñats 13.

Ŋāma allohuen achenenesha' echenet derecho o'ch chope'chyeset ama't erra sechyenet allohuanen puen Estado alí yečhenet.

Ŋāma echenet derecho ñerra'm monenet o'ch salerret ama't erra'tsena Estadof'ama't ñerra'm muenenet o'ch salerret ama't ñet pue'stadoťpa e'ñe pocte'. Ŋāma echenet derecho o'ch čhačherret pue'stado ñerra'm esempo monenet.

Cotāpñats 14.

Ŋāma ñerra'm esempo amuročhtatareťta ama't puesheñarra e'ñe atťa poctāpño'maret ñetpa' echenet derecho o'ch yeterret, ahuerret po'poñ anetso allcha' agapareťterret e'ñe cohuen.

ťarraña ñerra'm acoñchatareťtet tårro'mar o' muetset achein amapa' atřpare'tet po'poñ leyes amapa' añ derechos ñeñť nen Naciones Unidas ñerra'm ñeñťecop acoñchatareťtet amach agapareťteto po'poñ anetso.

Cotāpñats 15.

Ŋama allohuen achenenesha' echenet derecho ñeñťcha' pa 'netser penet.

Ŋāma amach erroťenoť puerratañřseto achein po'derecho atťo pa'netser penet. ťarraña ñerra'm esesha' mone' o'ch yečha'huerret po'poñ anetsro ñeñťcha'pa'netser perr allempoťeñ ñeñťpa' e'ñe pocte' ñeñťpa' po 'derecho.

Cotāpñats 16.

Ŋāma allohuen achein ñeñť po'nare' ñerra'm muenen o'ch sena'ta ñāma coyanesha' ñerra'm muenen o'ch some'ta, ñeñťpa' e'ñe pocte' ñeñťpa' po'derecho. Pocte' o'ch yoranna'tet atťoch chemere'tet. Ama't esesha' muenats e'ñe pocte ama't erra'tsenťe' po'ñreñťsoret penet, ama't erra'tsenťe' ñeñť pa 'netser penet, ama't erra'tsenťe' po'yomporer penet. Ŋāma coyanesha' atťecma echenan derechos ñeñť echen yacmanesha' ñerra'm esempo o'ch some'ta. Ŋama allponmat yoranna'tet coyanesha'pa' ñeñťecma derechos echen ñāma ñerra'm sannerreťpa' coyanesha'pa' atťecma echenan derechos.

ťarraña ñerra'm esesha' ama muenenaye o'ch yoran po'psheñeñ ñeñťcha' puerrollar řa' amapa yacma ama mueno ñeñťcha' puetāpor řa', pamo'mte'pa' amach erroťenoť apano po'psheñeñ yacma e'ñe ña po'huamencof' ñerra'm coyanesha' ama mueneñe.

Ŋāma ñeñť yečhetsa parro pa'pacillo ñeñť pamo'tsna'tar řannena ñeñťpa' e'ñe pocte' atet yeyčhen arr patsro. Ñeñťo'mar ñeñťpa' gobiernocop o'ch cohuañpenan allohuen familias ñeñť parro yečha'yenet.

Cotāpñats 17.

Ŋāma allohuen achenenesha' echenet derecho o'patetepa' ñeñť e'ñe ñocmuet, atet ñerra'm pa'paquell, po'patseñ, payara. Ŋāma e'ñe pocte' o'ch o'patapreacha po'potantañ ñeñť parrocmā taruasa'yenet.

Ŋāma ama aprratañpespahuoyaye e'ñe atťa ñeñť yo'patena ya atet ñerra'm yepaquell, yepatseñ, yayara.

Cotāpñats 18.

Ŋāma allohuen achenenesha' ama't erra'tsena acheñer echenet derecho o'ch cotāpe'chyenet ñeñť e'ñe cohuen entenet ñet pueyočhreto. Ŋāma allohuen acheinpa' echenet derecho o'ch po'yomporer peñet ñeñť e'ñe cohuen entenet ñet. Ŋāma ñerra'm esempo muenenet o'ch po'poñet po'yompor-ret, ñeñťpa'čho'ña e'ñe ñocpuet po'derecho. Ŋāma e'ñe pocte' o'ch apčha'yenet epuet po'potantañ ñeñť parrocmā ame'ñenet. Ŋāma e'ñe pocte o'ch yečhatyesan po'potantañ ñeñť muenene' o'ch eñoteret ñamet. E'ñe pocte' o'ch etsoteñet ora atťoch sherbeñet po 'yompor-ret.

Cotāpñats 19.

Ŋāma allohuen achenenesha' ama't erra tsena acheñer echenet derecho o'ch serrpare'tatanna'tyeset ñeñť atet'cotāpe'chyenet ñet ñeñť cohuen entyenet ñet. Amach e'moñe'tareťeye atťo yapa yocťen añ derecho. Ŋāma e'ñe pocte' o'ch e'nyenet atťoch eñoteret erra'tsenťe' cotāpñatser ñeñť cohuen entyenet ñet. E'ñe pocte' o'ch agapyenet añ cotāpñatser pueychateña, ñāma e'ñe pocte' o'ch eñotachet po'potantañ ñeñť atet pena añ cotāpñats. Ama't erroťenot eñotachet po'potantañ achein, ñeñťpa' e'ñe pocte' ama't po'quellcoť ama't radioťma't erroťenota. E'ñe pocte' o'ch čhapatyeset ñeñť cotāpñats po'poñ anetso'mar.

Cotāpñats 20.

Ŋāma allohuen achenenesha' echenet derecho o'ch apčha'yenet ora allohuen ñeñť parrocmā ame'ñenet ñerra'm e'ñe cohuen mueche'ť serrpare'tanna'tyenet añ poctāpñet.

Ŋerra'm esesha' ama muenenaye o'ch cotāpe'chet e'ñe parrocmā po'potantañ poctāpñet, ama pocteyaye ñerra'm po'potantañ po'huamencotetřpa' o'ch ame 'ñatateñet ñeñť ñet poctāpña.

Cotāpñats 21.

Ŋāma allohuen achenenesha' ama't erra'tsena acheñer echenet derecho o'ch cotāpe'chatyeset ñeñł pa' mčha'tareťerneshet. Ŋāma allohuen achenenesha' ama't erra'tsena acheñer echenet derecho o'ch votet añecop ñeñťcha' sherbats gobiernocop.

Ŋāma allohuen achenenesha' ama't erra'tsena acheñer ñeñť muenene o'ch taruasapretan gobierno allohuenet e'ñe atťecma echyenet derecho.

Ŋāma erra'tsenťe' cotāpñatser ñeñť cohuen enten achenenesha' ñerra'm shonte' achein ñeñť atet muenenet, atetťcha' perra po'gobierno. Ŋāma atťoch eñochet este' po'ñočh muenen allohuen achenenesha' eñalletepa'ch elecciones ama t erroťenota; allcha' vota'yenet añecop ñeñť e'ñe cohuen entyenet ñet. Ŋāma ñeñťpa' e'ñečh a'nahua vota'yenet atťoch po'potantañpa' amach erroťenoť po'huamencotťeye' votatenaneto ñeñť atet muenenet ñet. Ŋāma allohuen achenenesha' e'ñe pocte' vota'yeset añecop ñeñť cohuen entyenet ñet.

Cotāpñats 22.

Allohuen achenenesha' ama't erra'tsena acheñer echenet derecho o'ch agapueñet seguridad social ñeñť atet'yenpuenanet po'gobierno ñerra'm esempo machayotťa es pasahuet. Allochñapa' atťoch amach tama penca'yeneto, e'ñeč atťera cohuen orrtatyenet. Ñehua, ama't erra'tsena anetser a'pocťatenan pa'cheñeneshar añ derechos ñeñť otenet seguridad sociales.

Cotāpñats 23.

Ŋāma allohuen achenenesha' ama't erra'tsena acheñer echenet derecho o'ch taruasa'yeset atťoch gana'yeset quelle. Ŋāma e'ñe pocte' erra'tsenťe' taruas muenenet allcha'ña taruasa'yenet. Ŋāma ñeñť taruasatenahuet e'ñepa'ch cohuen apa'yesanet allcha' taruasatyesanet. Ŋāma amuepa'ch huañapeseto po'taruaset atťoch amach pallteneto quelle.

Ñaña allohuen ñeñt attecma taruasa yetset allponeshacmuetepa'ch gana'yenet quelle. Arepa'ch eñalle ñeñt ama amorrentareteyaye.

Ñaña allohuen ñeñt taruaset atsa'tatarettetepa'ch allpon ñeñt poctetsa allochñapa' attoch cohuen yecha'yenet pamo'tseshohuen amach tama penca'yeneto puepallteñotet. Ñerra'm allpon gana'yenet ama alcanseno attoch yora'yeset ñeñt allpon pallta'yenet eñalletepa'ch seguridad social ñeñtcha' yempa'yenahuet.

Ñaña allohuen ama't erra'tsena acheñer echenet derecho o'ch parrocmatet epuet sindicato ñeñtcha' moñenahuet ñeñt e'ñe ñocueta all taruasa'yenet.

Coťapñats 24.

Ñaña allohuen ama't erra'tsena acheñer echyenet derecho o'ch amesa'yenet allpon horas ñañia allpon yeť. Amach ellapeneteťe arepeneteťe taruasatset. Ñaña amesyesetepa'ch allponmat ñeñt vacación, atsa'tatarettetepa'ch ama't allponmat echenet vacación.

Coťapñats 25.

Ñaña allohuen ama't erra'tsena acheñer echyenet derecho o'ch echyenet allpon attoch yecha'yenet cohuen arr patsro ama't pamo'tseshohuen attoch yora'yenet puerrar, pa'shtam, pa'paquellat ñaña attoch partatyenet ñaña attoch yempa'yenanet po'potantañ pamo'tseshachno. Ñaña ñerra'm palltapesyenet po'taruaset alloch gana'yenet quelle echyenet derecho o'ch ayenparettet. Amapa' ñerra'm atсна'tyenet attoch ama taruaseneto allponmat echyenet derecho o'ch ayenparettet. Amapa' ñerra'm machayota atserpenet, amapa' ñerra'm rretornanesha' amapa' ñerra'm po'nme'ten amapa ñerra'm esempo es huapoya echyenet derecho o'ch ayenparettet.

Ñaña allohuen ñeñt achoyoreshai ñaña allohuen cheshaneshachno ñetpa' echyenet derecho o'ch acuamñsarettyenet ama't ñeñt ellopnaneshas' ñamet.

Coťapñats 26.

Ñaña allohuen ama't erra'tsena acheñer echyenan derecho o'ch estudia'yeset escuela. Ñaña attoch estudia'yeset escuela amach cobraneto ñeñt Primariacop. Allohuen cheshaneshas' atet'anaretñocueta chocma estudienet Primaria, ñeñt obligatoria. Ñaña eñalletepa' escuelas allcha' estudia'yenet ñeñtcha' po'taruas penet ñaña eñalletepa' escuelas allcha' estudia'yenet estudios mas avanzados ama't añecop ñeñt atarr torretsa ñeñt atarr es eñotets.

Ñaña añecop sherben atfo yečhateñet cheshaneshas' attochcha' eñotyenet ñeñt atarr sherbets arr patsro attoch e'ñech cohuen eñotatyenan po'potantañ acheñeneshas'. Allochñapa' attochcha' amach muena'yeneto o'ch puerratañpsanet po'potantañ po'derechos attoch muerochtatanet. Cohuencha' yeñotatanna'tyena ama't pa 'namen acheñeneshay. Cohuencha' ya'huanten po'potantañ ñeñt po'poñ cotape'chyenet ñet. Ñaña chocmuepa'ch yamo'ts yeñanna'tyena ama't pa'namen anetsočno all yeycha'yena, ama't pa'namen mereñtsorečno ñeñt parro ye ñalletyesa, ama't pa'namen yeyomporer yeña'yen. Añecop yeychach cheshaneshas' cohuen attoch e'ñech cohuen torra'yerret ñamet añecop ñeñt cohuen enten Naciones Unidas allochñapa' attoch allohueney e'ñech cohuen mueche't'yeycha'yena arr patsro.

Ñeñt chesha' ñeñt ama po'nena' pamo'mtepa' echenan derecho o'ch mueñanet erra'tsenťe', escuela ñeñt cohuen enten pamo 'mte.

Coťapñats 27.

Ñaña allohuen ama't erra'tsena acheñer echyenan derecho o'ch tōrra'yenet ñeñt atet yecha'yenet ñet, ñeñt cohuen entyenet ñet. ñañia e'ñe pocte' o'ch cosha'yeñet po'taruas ñeñt cochneshas' entyenet ñet. Ñaña ñeñt eñotyenet ñeñt atarr sherbets alloch progresa'yenet científico'marecop, ñeñt'pa' ñeñtcha' yenpuenahuet alloch ello atarr cohuen yecha'yenet arr patsro.

Ñaña ñerra'm esesha' yečcatene' ñeñt atarr sherbets allohuenacop atet'ñerra'm ñeñt científico'marecop amapa'ñerra'm libro ñeñt que1lquēnet allohuenacpuet amapa'erra'tsen po'taruas ñeñt atarr sherbets allohuenacop, ñapa'echenan derecho attoch ganena quelle po'taruasot ñaña echenan derecho attoch coshapreteñet po'taruas, amuepa 'ch aprratañpsarettena po'derecho.

Coťapñats 28.

Ñaña ora allpon derechos ñeñt aquellcareťarr, allohuen ama't erra'tsena acheñer echenet derecho o'ch e'ñe atet perret. Ñeñto'mar añ poctetsa patē'tets anetso orrtatyesetepa' pa'namen cohuen proyectos attoch acheñeneshas'pa' entyerret ora allpon po'derechos.

Coťapñats 29.

Ñaña allohuen ama't erra'tsena acheñer echenan po'deberes po'potantañecop ñeñtara pamo'tsesha' ñeñt'parro yečhenet pa'netsro. Ñeñt deberespa' ñeñt'pa' atfo e'ñe cohuen yeyenpannena. Ñerra'm atet'yeperra e ne all yamo'tsesheshopa' e'ñech cohuen yeychen attoch yetsotuerr ñeñt e'ñe cohuen puesheña'ttsocpay.

Ama't yechyeneñ shonte' pa'namen derechos ñeñtcha' yorrtatyen, țarraña amach aña yorrtatatsto ñeñt atfo erroťuanen yepen po'psheñeñ. țarro'mar ñeñt'pa' ama apapahuoyaye ñeñt atet'oteney ley ñeñt anaret. țarro'mar ñerra'm erroťuanen yepen po'psheñeñpa' atfoña yeprratañpeñ ña po'derechos. țarraña ñerra'm e'ñe cohuen yeyenpannena ñaña e'ñe mueche't'yeychena, ñeñt'pa' ñeñt'a poctetsa. Neñt'pa' chocmach yorrtaten ñerra'm yechen gobierno democrática all añcha 'tarettapreteñet allohuen acheñeneshas'.

Ñaña ama't shonte' pa'namen derechos yechyen ñeñt anaretťarr, yapa' amach yorrtatatsto añ derechos añecop ñeñt ama pocteye' enteñe Naciones Unidas. Añcha'ña yorrtaten ñeñt cohuen enten Naciones Unidas.

Coťapñats 30.

Ora allpon derechos ñeñt aquellcareťarr, ama't patťra derecho amach ahuapore 'tpahuoyaye ama't erroťena.